

Skýrsla stjórnar Ský fyrir starfsárið 2023-2024

Flutt á aðalfundi félagsins 20. febrúar 2024
55. starfsári að ljúka

Þá er 55. starfsári Ský að ljúka. Það voru 24 viðburði á síðasta ári, en flestir voru þeir haldnir á heimavelli okkar Grand hóteli. Markmið okkar hefur alltaf verið óbreytt, að halda úti öflugri og faglegrri starfsemi á sviði upplýsingatækni, m.a. með ráðstefnuhaldi og fræðslustarfsemi, gekk það vel eftir á síðasta ári og höfum við rétt vel úr kútnum eftir Covid og erum að ná vopnum okkar á ný. Fjárhagsstaða 2023 var góð og félagið komið réttu megin við núllið.

Á árinu stóðu allir sig vel í að uppfylla þessi markmið og halda áfram því góða starfi sem unnið hefur verið á undanförunum árum. Félögum í Ský heldur áfram að fjölga sem er jákvætt. Það voru 1.080 félagar árið 2022 og eru núna 1.123 manns á félagaskrá.

Kynjahlutfallið er hins vegar lítið að breytast og erum með nánast óbreytt kynjahlutfall milli ára, eða 65% karlar og 35% konur sem endurspeglar vel tæknigeirann á Íslandi. Það er breyting um eitt prósentu konum í vil

Vöxtur í heildartengslaneti Ský er á góðri leið og aukning á þessu starfsári og eru í dag 4.512 tengiliðir í tengslaneti Ský. Því ber að fagna. Félagið er því á góðri leið aftur og framtíðin er glæsileg.

Stjórn Ský á starfsárinu 2023-2024:

Dagbjartur Vilhjálmsson, formaður
María Dís Gunnarsdóttir, ritari
Kristjana Björk Barðdal, gjaldkeri
Benedikt Þorgilsson, meðstjórnandi
Hrefna Lind Ásgeirsdóttir, meðstjórnandi
Jón Ingi Sveinbjörnsson, meðstjórnandi
Snæbjörn Ingi Ingólfsson, meðstjórnandi

Stjórnin fundaði reglulega, bæði í raunheimum og í netheimum, en flestir stjórnarfundir í dag bjóða upp á báða heima. Því til viðbótar voru aðrir vinnufundir bæði innan stjórnar, með nefndum félagsins og tengdum aðilum af ýmsu tilefni. Þá hélt stjórnin áfram með stefnumótunarverkefni sem hófst 2022 með það að markmiði að bæði fjölga virkum félögum og hvetja konur og yngra fólk til að taka þátt í starfinu okkar. Nokkuð góður árangur af nýliðun heppnaðist á árinu en ungir meðlimir undir fertugu fóru úr 16% 2022 í tæp 23% 2023. En betur má gera og höldum áfram með það verkefni.

Ráðstefnur og fundir

Funda- og ráðstefnuhald okkar fór eðlilega af stað á árinu og vorum við með 24 viðburði árinu. Faghópar voru virkir við ráðstefnu- og fundahöld. Yfirlit yfir liðna viðburði er að finna á vefsíðu félagsins undir Viðburðir. Góð aðsókn var almennt á alla viðburði ársins.

UTmessan var haldin með hefðbundnu sniði 2023 í Hörpu eftir að hafa verið árinu á undan á Grand hóteli og árið þar á undan rafrænt vegna Covid. UTmessan var því haldin þann 3. febrúar í Hörpu og tókst hún frábærlega þar sem mættu um 1.200 manns á ráðstefnudaginn og um 7.000 á opna tæknidaginn.

UT verðlaun Ský

Frá árinu 2010 hefur Ský veitt árlega Upplýsingatækniverðlaun Ský. Um er að ræða heiðursverðlaun að danskri fyrirmynd fyrir framlag til upplýsingatækni á Íslandi. Reglur verðlaunanna kveða á um að verðlaunað sé framtak sem þegar hafi sannað sig og því er ekki um sprota- eða hugmyndaverðlaun að ræða.

UT verðlaunin 2024 voru afhent í ráðstefnulok UTmessunnar í febrúar. Stafræn framþróun Landspítalans var valið UT-Fyrirtækið 2023, Indó fékk titilinn UT-Sprotinn 2023, island.is var valið UT-Stafræna

opinbera þjónustan 2023, dala.care var valið UT-Stafræna almenna þjónustan 2023 og Alda var valin UT-Fjölbreytileika fyrirmyndin 2023. Miðeind fékk heiðursverðlaunin Upplýsingatækniverðlaun Ský 2024.

Tímaritið Tölvumál, ritnefnd, orðanefnd og síðanefnd

Ritnefnd hélt allmarga fundi á liðnu ári og veglegt eintak af Tölvumálum kom út í nóvember. Efnistöð blaðsins var „Upplýsingar í stafrænum heimi“. Þetta er fyrsta blaðið sem nýr ritstjóri Ásta Gísladóttir, ritstýrir. Blaðið var sem áður sent til félagsmanna Ský. Vefútgáfa Tölvumála birtir nýja grein vikulega og má finna á vef félagsins (www.sky.is) og sífellt má sjá aukningu í lestri þar. Ritnefnd hefur undanfarin ár unnið glæsilegt starf en sífellt vöntun er á fleira fólki til þess að taka upp pennann (eða í okkar tilfelli lyklaborðið) og rita greinar.

Orðanefnd

Orðanefnd hefur starfað á síðasta starfsári og hefur unnið ötullega að því að safna saman efni sem er til hér og þar með nýjum hugtökum sem búið er að þýða en er ekki að finna í Tölvuorðasafninu en það er nú hluti af Íðorðasafni Stofnunar Árna Magnússonar í íslenskum fræðum og eru komnar yfir 400 nýjar þýðingar á hugtökum þangað og þar af rúmlega 200 á árinu 2023. Mikill hugur er í fólki og samstarfvið milli ólíkra aðila sem vinna við og koma að þýðingum á hugtökum í tölvugeiranum og er Orðanefndin á fullu að bæta inn nýjum þýðingum og safna saman hugtökum sem á eftir að þýða.

Síðanefnd

Síðanefnd hefur ekki starfað á vegum Ský síðustu árin og er það svo í systurfélögum okkar í Evrópu. Þar er unnið að því að auka samstarf milli tölvufélaga og hafa sameiginlegar síðareglur og hefur sú vinna gengið hægar en til stóð en þó enn í gangi.

Faghópar

Starf faghópanna á liðandi ári var jafn glæsilegt og áður. Þeirri venju hefur verið fylgt að hver faghópur sjái um að minnsta kosti einn stærri viðburð á vegum Ský á ári og svo var einnig í ár. Starf faghópanna er mikilvægur hlekkur í starfsemi félagsins og aldrei að vita nema fleiri faghópar líti dagsins ljós í nánustu framtíð. Fjölgað hefur í öllum hópum auk þess að Faghópur um Stafræna vörustýringu var stofnaður á árinu.

Faghópar Ský á starfsárinu eru:

- Fókus, faghópur um upplýsingatækni í heilbrigðisþjónustu, félagar eru nú 192 en voru 176.
- Sögudeild, félagar eru nú 86 en voru 79.
- Fjarskiptahópur, félagar eru núna 212 en voru 188.
- Öryggishópur, félagar eru núna 346 en voru 293.
- Faghópur um rafræna opinber þjónustu, félagar eru núna 282 en voru 246.
- Faghópur um vefstjórnun, félagar eru núna 250 en voru 228.
- Faghópur um hugbúnaðargerð, félagar eru núna 303 en voru 252.
- Faghópur um rekstur tölvukerfa, félagar eru núna 263 en voru 233.
- Faghópur um menntun, fræðslu og fræðistörfum í UT, félagar eru nú 254 en voru 216.
- Faghópur um hagnýtingu gagna, félagar eru núna 187 en voru 138.
- Faghópur um Stafræna vörustýringu var stofnaður á árinu og telur 77 féлага.

Innlent samstarf

Ský á samkvæmt lögum fulltrúa í stjórn Persónuverndar, Þorvarður Kári Ólafsson er fulltrúi Ský og varamaður Jónas Sturla Sverrisson.

Erlent samstarf

Ský hefur um margra ára skeið tekið þátt í evrópsku samstarfi upplýsingatæknifélaga á vettvangi CEPIS (Council of European Professional Informatics Societies). Sú samvinna hélt áfram á síðastliðnu ári og erum við þátttakendur í verkefni sem felst í að hvetja konur til að fara í tölvugeirann, ICT-Women task force og einnig ICT-Computing in Schools. Þar hefur sterklega komið fram að öll Evrópulöndin eru að glíma við að reyna að fá ungt fólk til að fara í tæknimiðað nám og sérstaklega ungar konur. DiversIT sáttmálinn er nýjasta afurð CEPIS og komum við að gerð verkefnisins frá upphafi og þekkjum það vel.

Skýrslutæknifélag Íslands (The Icelandic Computer Society) fékk fyrst allra í heiminum GULL aðild að "DiversIT charter" sáttmálanum á vegum CEPIS í maí 2021. Þetta er gífurleg viðurkenning á starfsemi félagsins og okkar áherslum að hafa fjölbreytileika að leiðarljósi í öllu okkar starfi. Félagið mun vinna áfram að því að auka hag fyrirtækja í tölvu- og tæknigeiranum með það markmið að ýta undir fjölbreytileika með því meðal annars að fjölga konum og ungu fólki í tæknistörfum. Félagið er nú „ambassador“ fyrir DiversIT sáttmálann á Íslandi og getum við aðstoðað íslensk fyrirtæki í umsóknarferlinu.

Bebras

Vikurnar 6. – 17. nóvember stóð Ský fyrir Bebras áskorun á meðal barna á aldrinum 6-18 ára. Áskorunin var opin í 2 vikur í fyrsta sinn. Bebras áskorunin er alþjóðlegt verkefni sem kannar rökhugsun og tölvufærni með því að láta þátttakendur leysa krefjandi og skemmtileg verkefni. Bebras er keyrt samhliða í flestum löndum í byrjun nóvember ár hvert. Ísland hefur tekið þátt í Bebras áskoruninni með góðum árangri frá árinu 2015 og tóku 51 skóli og 3.366 nemendur þátt árið 2023 og er það mesti fjöldi frá upphafi.

Afkoma félagsins

Árið 2023 var loks með eðlilegum hætti eftir Covid faraldurinn og starfsemin komin á rétt ról. Síðustu árin hefur gengið verulega á varasjóð félagsins og því mikilvægt að félagið eigi alltaf varasjóð til að takast á við áföll í framtíðinni. Félagið skilaði hagnaði uppá 3.302.880 kr. en tapið árið áður var tæpar 2 milljónir. Það lítur því vel út að hefja nýtt starfsár með von um að ná að reka félagið án taps á árinu.

Lokaorð

Ský á sér bæði langa og farsæla sögu sem þverfaglegt félag þeirra sem vilja hagnýta sér eða hafa áhuga á upplýsingatækni. Félagið heldur ráðstefnur, gefur út og starfrækir faghópa. Rekur félagið nú áfram skrifstofu með tveimur stöðugildum. Óhætt er að fullyrða að félagið hefur haft umtalsverð áhrif á framþróun upplýsingatækninnar hér á landi. Starfsemin byggir að miklu leyti á ómældri sjálfböðavinnu stjórnarmanna, ritnefndar, orðanefndar og faghópa. Í félaginu starfar hæft fagfólk úr ýmsum greinum atvinnulífsins sem ekki telur eftir sér að undirbúa viðburði félagsins, að ógleymdum fyrirlesurum. Stjórn Ský vill hér með þakka öllum þessum aðilum fyrir þeirra mikilvæga framlag við að efla starfsemi félagsins.

Starfsmenn félagsins eiga lof skilið fyrir það mikla starf sem þær hafa innt af hendi á árinu. Þær hafa sýnt mikla hæfileika í verkefnastjórn á stórum sem litlum viðburðum og eru þeim kostum gæddar að draga fram í dagsljósið allt það besta sem félagsmenn Ský og aðrir í upplýsingatækniheiminum hafa upp á að bjóða. Við teljum að félagið sé vel rekið og mun halda áfram af sama krafti á komandi starfsári, þrátt fyrir miklar áskoranir í rekstrarumhverfi okkar og viðburðahaldi.

F.h. stjórnar Ský,
Dagbjartur Vilhjálmsson, formaður.